

SARS YI AMUKELA AHLULO WA KHOTO YA VUMBIWA EKA MHAKA YA REGIMENTS CAPITAL

Tshwane, Ravuntlhanu 18 Mhawuri 2023 – Khomixinara wa Vukorhokeri bya Xibalo bya Afrika-Dzonga (SARS), Ttn Edward Kieswetter, u amukerile xiboho xa Khoto ya Vumbiwa lexi nyikiweke tolo (17 Mhawuri 2023) eka mhaka leyi katsaka Regiments Capital (Pty) Ltd.

Khoto ya Vumbiwa yi alerile valawuri va Regiments Capital leyi choneke ku aphila xiboho xa Khotokulu ya Aphili (SCA) leswaku ku khomiwa ku n'okisiwa ka Regiments Capital tanihileswi ku veke na jikajikisano hi SARS ematshan'wini ya vakolotisi eka mafambiselo ma n'okiso.

Khoto ya Vumbiwa, endzhaku ko anakanya xikombelo xa aphili, yi bohile leswaku mhaka a yi weli eka vulawuri bya khoto. Ku ya hi mbuyelo, aphili yi ariwile.

Sweswinyana SARS yi kanetile SCA no aphila ahlulo wa Xiyenge xa Gauteng xa Khotokulu leswaku xi veka etlhelo ku n'okisiwa ka Regiments. Ahlulo wa SCA wu humesiwile hi ti 18 Nyenyakulu 2023, ku khoma aphili ya SARS ehenhla ka xiboho xa Xiyenge xa Gauteng xa Khotokulu, Johannesburg, na xileriso xa hakelo xa Magqweta mambirhi.

Enkarhini wa phurosese leyi SARS yi humesile nhlahluvo wa ntsengo wa R 690 million hi ku ya hi s42(5) ya Nawu wa Vulawuri bya Xibalo.

Xiboho xa Khoto ya Vumbiwa xi tiyisisa leswaku mafambiselo ma n'okiso ma fanele ma ya emahlweni ku vuyerisa vakolotisi lava landzelelaka xibalo. Khomixinara wa SARS Ttn Kieswetter u te "SARS yi tekile xiboho xo landzelela mhaka leyi ku ya eka mahetelelo ma yona hikuva yi tshemba leswaku khamphani a yi tirha ku kavanyeta vakolotisi va yona. Vahakelaxibalo valava va kayeta Mfumo mayelana na swihumelerisiwa leswi kalaka ku nyiketa vukorhokeri bya masungulo eka swisiwana na vakhumbeki. Vahakelaxibalo lava nga landzeleriki va fanele ku teka ku tinyiketela ka SARS ku endla swi nonoha no durha eka lava endlaka hi vomu ku ta na tindlela to tshama va papalata vutihlamuleri bya vona," ku vurile Ttn Kieswetter.

Mayelana na vuxokoxoko byo engetelela tihlanganise na SarsMedia@sars.gov.za